

絳縣志卷九

奉政大夫同知銜賞戴花翎山西絳州絳縣知縣加五級紀錄十次成都胡 延讓

沿革志第一

余蓋深韙乎鄭樵之言也曰州縣之設有時而更山川之形千古不易禹貢分州必以山川定疆界後世攷地亦必以山川爲準率自九州析爲十二又復爲九又析爲十三漢承秦分天下爲郡縣已多移易晉魏南北分裂務爲夸大僞置諸州名實互異益難爲稽攷矣絳縣自隋唐建置後厯厯可攷惟北魏紛紛更易或郡或縣或南或北致多淆混舊志於沿革未加深攷新通志攷隋唐以後建置最詳兩漢以前則未能悉合茲詳攷古絳縣志

卷九

沿革門

籍而以山川準地望自三代以迄有明一一分列無徵不信不敢妄逞臆說也

縣於禹貢屬冀州亦正職方同

禹貢冀州河行其西界乎雍冀之間南流爲西河至華陰屈東界冀與豫之間爲南河古黃河自大伾山西南折而北界冀兗之間爲東河亦正釋地兩河間曰冀州舉西河東河言之者也周禮職方氏河內曰冀州正北曰并州絳縣在山西南境故三代皆屬冀州也 胡氏渭禹貢錐指云冀州爲中土古軒轅陶唐有虞夏后殷人所都及實沈臺駘孤竹之封皆在焉春秋時可攷者三十五國秦之河東郡漢武之冀州

唐分十道得河東道之河東絳郡皆古冀州域也 又胡氏圖五服每方五百里唐都平陽舜都蒲坂夏都安邑距絳皆不及五百里是得甸服畿內納銍納粟地也又圖周九服周禮職方氏辨九服之邦國方千里曰王畿絳距周都亦不及千里其在王畿侯服之間乎

地與唐近當是唐西南境

括地志故唐城在絳州翼城縣西二十里堯裔子所封今絳縣距翼城六十里故知爲唐之西南境也

在大夏之東南

左傳昭公元年遷實沈於大夏服虔曰在汾澮之間顧氏炎

絳縣志

卷九

沿革門

二

武廣其說定在今之平陽而史記正義引括地志云大夏今晉陽汾絳等州是從顧說則絳縣在大夏之南據括地志則又在大夏之東矣大夏地廣兩說均是 左傳臺駘宣汾洮封於汾川杜注在太原晉陽洮在今縣通志漢絳縣也春秋時臺駘神在此路史謂汾川卽正平之汾水皆與杜注不合洮在絳縣當以通志路史之說爲正然則絳縣亦臺駘封地也

春秋時晉地縣東南爲冀境西北爲曲沃境

陳氏鵬春秋國都攷云唐叔始都翼今山西翼城縣武公徙居絳州之北景公又自絳徙新田在今曲沃縣南按翼城古

唐國堯裔子所封周成王滅之以封弟叔虞太平寰宇記城在縣西二十里

春秋以前晉穆侯自晉陽徙於絳孝侯三世居此曰翼武公

并晉獻公復都於絳詩譜故城在縣東南十五里後徙新田今曲沃境絳

縣距翼城六十里東境距翼城三十里以水經注澮水支流

證之正在今縣東境水經注澮水經翼城南近山諸水皆在絳縣東境而水經言涑

水出聞喜東山黍葭谷其谷又在縣西南境漢之聞喜即古

曲沃是絳縣東北屬翼城為古翼地西南屬聞喜為古曲沃

地無疑至春秋左傳襄三十年絳縣人或年長矣此絳縣蓋

統絳州絳縣曲沃聞喜翼城五地言之猶唐人之言畿縣不

得專屬今之絳縣也春秋時列國相滅多以其地為縣縣大

絳縣志

卷九

沿革門

而郡小故傳云上大夫受縣下大夫受郡也顧炎武晉唐辨左傳昭公元年

遷實沈於大夏定公四年命以唐誥而封於夏墟服虔曰大

夏在汾澮之間杜氏則以為太原晉陽縣按晉之始見春秋

其都在翼括地志故唐城在絳州翼城縣西二十里堯裔子

所封成王滅之而封太叔也北距晉陽七百餘里即後世遷

都亦遠不相及況霍山以北自悼公以後始開縣邑而前此

不見於傳又史記晉世家曰成王封叔虞於唐唐在河汾之

東方百里翼城正在二水之東而晉陽在汾水之西又不相

合竊疑唐叔之封以至侯緡之滅並在於翼史記言禹鑿龍

門通大夏呂氏春秋言龍門未闢呂梁未鑿河出孟門之上

則所謂大夏者正今晉絳吉陽之間書所云維彼陶唐有此

冀方而舜之命皋陶曰蠻夷猾夏者也當以服氏之說為信

又齊桓公伐晉之師僅及高梁而封禪書述桓公之言以為
西伐大夏之在平陽明矣晉自武公滅翼而王命曲沃伯
以一軍為晉侯其時疆土未廣至獻公始大攻之於傳滅揚
滅霍滅耿滅魏滅虞重耳居蒲夷吾居屈太子居曲沃而公
都絳不過今平陽一府之境而滅虢滅焦則跨夫大河之南
至惠公敗韓之後秦征河東則內及解梁狄取狐厨涉汾而
晉境稍蹙文公始啟南陽得今之懷慶襄公敗秦於殽自此

惠公賂秦之地復爲晉有而以河西爲境若霍太山以北大都皆狄地不屬於晉文公作三行以禦狄敗狄於箕而狄患始稀悼公用魏絳和戎之謀以貨易土平公用荀吳敗狄於太原於是晉之北境至於洞渦洛陰之間而郟祁平陵稷陽涂水馬首孟爲祁氏之邑晉陽爲趙氏之邑矣若成公滅赤翟潞氏而得今之潞安頃公滅肥而得今之正定皆一一可攷吾於杜氏之解縣上箕而不能無疑並唐叔之封晉陽亦未敢以爲然也 晉自都絳之後遂以曲沃爲下國然其宗廟在焉攷悼公之立大夫逆於清原是次郊外庚午盟而入辛巳朝於武公是入曲沃而朝於廟二月乙酉朔卽位於朝是至絳都而平公之立亦云改服脩宮烝於曲沃但不知其後何以遂爲欒氏之邑而欒盈之入絳范宣子執魏獻子之手賂之以曲沃夫以宗邑而與之其臣聽其所自爲端氏之封屯留之徒其所由來者漸矣 晉都遷徙攷世儒傳晉凡六都亦凡六遷唐都一也晉都二也曲沃三也絳都四也翼都五也新田六也欒父遷晉一也成叔遷曲沃二也穆侯遷絳三也昭侯遷翼四也武公又遷絳五也景公遷新田六也據詩譜則唐卽晉欒父特改名耳非遷都則爲五都五遷據水經注則穆侯遷絳孝侯特改名耳耳亦非遷都並武公之再徙絳亦五都五遷也以今攷之實

絳縣志

卷九

沿革門

四

五都五遷而與二說各不同則以翼非都亦未遷也由杜氏未察傳文而誤注曰翼晉舊都亦由史記翼晉君都邑也語未分明乃致誤耳攷左傳稱惠之三十年晉潘父弑昭侯晉人立孝侯儼然晉也惠之四十五年曲沃莊伯伐翼殺孝侯翼人立其弟鄂侯鄂侯生哀侯則曰伐翼曰翼人矣是昭侯之世尙居絳故稱晉自孝侯乃居翼始稱翼矣水經注之語爲足徵矣是皆在春秋之前故傳非晉之先事皆不稱晉但稱翼也隱五年傳曲沃伐翼翼侯奔隨王命立哀侯於翼六年傳翼九宗五正逆翼侯於隨晉人謂之鄂侯又皆直曰翼侯鄂侯而曰晉人者則通國之人也是孝侯居翼之證也桓二年陘庭南鄙啟曲沃伐翼三年春曲沃武公伐翼逐翼侯於汾隰夜獲之亦直曰翼侯不言晉也此哀侯居翼之證也至七年冬曲沃伯誘晉小子侯殺之八年春滅翼而居翼之事終矣故曰滅則翼終不復見矣此小子侯居翼之證也其曰晉小子侯亦以前晉之局終於此也故本其實以明之此特筆也其年冬王命虢仲立晉哀侯之弟緡於晉則不言翼蓋翼已滅爲沃所并此實立於絳都而非翼故於前立哀侯於翼且不同文要皆實錄也自此之後終春秋不見翼非惟不見翼且不見絳者何則以絳爲晉都者卽以傳文書法正變之都言晉則不知爲翼也知非晉都者卽以傳文書法正變之

例見之也非都而三世居此者實亦不得已耳史記言曲沃益疆晉無可如何蓋自昭侯被弑孝侯雖立心孤已極曲沃侵伐不已特史策失攻不能悉記當時君民同罹其苦不暇作遷都之謀東避惟恐不遠並舊都之唐亦不敢居又東過三十五里至於赤狄之界而處之一時臣民從者九宗五正凡祁封之官皆在焉草創既具因三世苟且偏安耳觀哀侯既立其父逆婦別爲鄂侯二君並立國之分析可見也據此則晉實五都亦凡五遷唐一都也晉二都也曲沃三都也絳四都也新田五都也樊父遷晉一遷也成侯徙曲沃二遷也穆侯徙絳三遷也武公再徙絳四遷也景公徙新田五遷也中不數翼者以翼本非都亦不成遷也左氏於此乃以變例書之居翼在春秋前故入春秋以來卽曰翼不曰晉至大書滅翼之後王以一軍命武公爲晉侯始言晉不言翼矣其曰翼侯曰鄂侯則汾王高于公之比也其曰伐翼曰立於翼則入於成周入於王城之比也其曰滅翼又曰立於晉則遂滅衛下復言衛之比也雖此少有不同者彼則國破君死故曰滅衛下雖新造之邦而亦衛也故不嫌同詞此則國實未破而君死邑殘故亦曰滅而不可稱國故曰滅翼下雖新命之君而實舊晉也亦非故爲異詞二者異而實同也至於不言絳而言翼則未都曰城楚邱而不曰城衛既都曰城邢而不

絳縣志

卷九

沿革門

五

曰城夷儀之比也此皆本之素王之書法或正例或變例無不合者直筆森嚴甚於袞鉞信乎左氏良史才謂之素臣蓋非過稱武庫雖癖尙未能盡知之也又攷五都唐在今翼城晉在臨汾曲沃在聞喜二絳皆在曲沃至絳州絳縣名是而實非若翼城之號故絳則酈亭之誤而世相沿爲稱不可不辨至翼之非都則自來無言之者是又不可不知也

案水經注澮水西逕翼城南詩譜言晉穆侯遷都於絳暨孫孝侯改絳爲翼翼爲晉之舊都也後獻公北廣其城方二里又命之爲絳故司馬遷史記年表稱獻公九年始城絳都左傳莊公二十六年士蔦城絳以深其宮是也據此則不惟聚絳爲一地卽翼翼仍一地矣杜佑通典以太平之古晉城乃漢臨汾故城者爲故絳未知何據顧炎武謂二絳皆在曲沃不言翼翼爲一地似未可輕議酈亭而信新說也

戰國時屬魏秦隸河東郡

程恩澤國策地名攷引水經注澮水篇斷晉之故絳在今翼城東南十五里其曲沃縣西南二里之絳城則晉新田邑今絳州亦其地而絳縣則漢聞喜地因聞喜爲古曲沃而被以絳名也戰國時統此數處俱名爲絳而其爲戰國地圖絳在今翼城地絳縣亦在其境也全祖望云河東秦郡在戰國屬魏楚漢之際爲西魏國方輿紀要謂在縣東南魏邑漢初曹參追魏豹於曲陽卽此而程氏謂據策文當兼屬趙魏兩漢時縣東南爲絳縣絳邑境西北爲聞喜境隸河東郡

漢書地理志絳晉武公自曲沃徙此錢坫云今平陽府翼城絳縣志

卷九

沿革門

六

縣此絳春秋傳所云故絳者是也詩譜曰穆侯遷於絳孝侯改絳爲翼獻公又名爲絳至景公遷新田亦稱爲絳杜預所云新田卽絳邑縣今曲沃縣括地志元和郡縣志所云在曲沃縣南二里者並新田也應劭曰絳水出西南故名又曰詩譜穆侯徙於絳蓋穆侯先徙都至晉武公自曲沃并晉仍居之耳漢書地理志聞喜故曲沃晉成侯自晉陽徙此注曰在今聞喜縣西南八里元和郡縣志太平寰宇記並云在聞喜縣西南八里唐固曰下平曰衍有漑曰沃舊本成侯作武公攷詩譜晉成侯南徙居曲沃孔穎達正義引此亦作成侯故依改之王念孫曰晉成侯自晉陽徙曲沃晉武公自曲沃

徙絳 按兩漢絳縣皆在今翼城曲沃地今絳縣東南實在其境西北則聞喜縣東境也山西通志謂晉之二絳皆在今曲沃漢之絳縣兼今翼城曲沃兩縣地皆與今之名絳者無涉今之絳縣漢聞喜地古曲沃地也本之元和郡縣志太平寰宇記是皆據水經涑水一言定今絳縣爲聞喜而不知絳縣南北狹而東西長黍葭谷在縣西南涑水所出是聞喜地東南澮水所經絳水所出則漢絳縣地也水經澮水出河東絳縣東澮交東高山注曰澮水東出絳高山亦曰河東山又曰澮山西逕翼城南其水又西南合黑水水導源東北黑水谷西南流逕翼城北右引北川水出平川南流注之亂流西

南入澮水澮水又西南與諸水合謂之澮交又有賀水東出近川西南至澮交入澮又有高泉水出東南近川西北趨澮交注澮又南紫谷水東出白馬山白馬川西逕熒庭城南而西出紫谷與乾河合卽教水之枝川也其水西與田川水合水出東谿西北至澮交入澮又有女家水出於家谷有范壁水出於壁下並西北流至翼廣城二水合而西北流至澮交入澮澮水又西南與絳水合水出絳山西北流注於澮此數水皆在今翼城絳縣境稱名未易澮交范壁賀水皆在絳縣東南歷歷可指凡諸水之在絳者酈注第言近川其爲今翼城古絳縣可知若其地屬聞喜自當言出聞喜矣此顯而易

知者也通志圖諸水亦在今絳縣境何其說與圖之自相矛盾耶

又水經引應邵說曰絳水出絳縣西南蓋以絳縣在西南故絳為言也故絳在曲沃此正在絳縣西南絳縣在西

南者謂之原上在東南者謂之原下猶古原田之稱澮水諸

支川及絳水皆在原下是原上之地屬聞喜原下之地屬絳

縣斷斷然矣舊通志謂漢絳邑地廣今絳縣東西胥在其中

又謂曲沃絳縣皆春秋晉新田地亦未盡確黍葭谷本在絳

縣謂縣東為絳地則可謂西亦為絳則不可也新田在汾澮

之間新志定在今曲沃侯馬驛州縣攷言之鑿鑿圖亦著於

侯馬而古蹟攷又謂新田不在侯馬亦自相矛盾

如翼城縣下已引水經詩譜定翼絳聚為一處於絳縣又謂與兩絳無涉又謂二絳皆在曲沃前後不符絳距侯馬雖近而

絳縣志

卷九

沿革門

八

距汾則甚遠且有山間之謂與新田近則可直指為新田地

恐未必然也今之州縣畫疆分界豈能一一與古脗合有一

縣而兼古數縣者有一郡而半屬兗州半屬豫州者徒據載

籍以定古今分合未有不鑿柄者城邑雖遷山川不改惟據

山川以定地望斯不甚舛誤耳

舊通志翼絳聞喜曲沃等地通辨聞喜邑本曲沃即漢書

二語可斷二縣沿革至景公由絳遷新田宜覈故絳新絳南

北絳之分暨新田之地之胥為絳也春秋以前晉都翼自武

侯成侯至昭侯皆在舊都後封成師桓叔於曲沃一傳而莊

伯再傳而武公其間潘父迎立晉人拒之平王桓王使虢公

命曲沃武公為晉君列為諸侯盡併晉地始都翼獻公八年

從土為說城聚都之命曰絳今絳縣治南車廂城也九年始

都絳今太平縣南晉城也杜注絳晉國都正義又曰晉都絳

絳臨汾汎舟之役自雍及絳相繼當在今太平絳州稷山間

太平又有古晉城遺址此翼與太平所以胥名絳也顧翼名

絳縣志

卷九

沿革門

九

絳新田亦名絳今翼城南北絳村即故絳城此翼絳也水經注應劭曰絳水出絳縣西南蓋以故絳言此即指車廂城也後自絳遷新田復謂絳都為故絳至曲沃東南二里絳邑城乃新絳非故絳也自後魏分絳縣地置曲沃縣與聞喜同隸正平郡又於今翼城置北絳郡領小鄉北絳二縣又於絳縣置南絳郡并縣後周改絳州隋唐宋以後置絳州絳郡然後統南北郡而胥轄之杜注汾水出太原經絳北西南入河澮水出平陽絳縣南西入汾而注絳與新田皆曰今平陽絳邑縣是則今絳州曲沃等地胥為絳胥為新田也漢絳邑地頗廣范志絳邑有翼城今絳縣東西胥在其中不可拘車廂城為孤證舊通志於曲沃絳縣皆曰春秋晉城新田地李在澗據以立辨甚為朗徹尙有未盡晰者因疏通以廣其說又春秋傳曰下國有宗廟謂之國在絳曰下國矣此說宜覈今絳州城絳縣舊志皆引城聚為證太平縣南二十五里有古晉城亦稱士蔦所築試以地形里數揆之晉城南二十五里即今絳州州距絳縣百里絳縣距翼城七十里距曲沃五十里距太平七十里聞喜距絳縣八十五里距太平亦僅百里曲沃漢晉未立縣後魏太和十一年始置後周復置其始皆統於絳邑治於太平縣之晉城觀通典晉自曲沃徙此漢聞喜縣地二語則知聞喜即絳非兩地也太平與鄉甯皆古

臨汾然臨汾界止於晉城其南則皆聞喜絳邑地故漢晉以後之絳邑較今絳縣為廣隋唐後之絳州絳郡較北魏之絳郡亦復擴衍至於新田則確在曲沃以汾澮交流汾水在城西十八里澮水在城南二里顯然可據太平絳州以南亦為汾流所經而寢與河近曲沃尤二水交匯地古曲沃在聞喜決無可疑而城聚在絳杜注新田今平陽絳邑縣蓋曲沃未設縣以前地多隸絳邑也亦不得以今日州縣之分疆遂畫為二新通志晉都初祇一絳至謀遷新田始名舊都為故絳而新田乃更名絳遂有二絳終春秋亦祇此而已其成侯所徙則曰曲沃昭侯所居則曰翼皆不名絳也二絳皆在今曲沃漢之絳縣亦一而已其地實兼今曲沃翼城二縣之境而與名絳之一州一縣無涉舊志辨論紛紛迄無定說乃有故絳新絳南絳北絳之分名愈多實愈淆由未能區北絳南絳之始於後魏之分立郡縣古未嘗有也由是因酈亭之言翼亦為絳據車廂城之號絳縣亦為絳亭林據通典漢臨汾故城之名古晉城者絳州太平亦為絳矣今古不分郡縣未攷一絳而橫跨五州縣之境而古說亦晦請為二言以斷之曰今之曲沃非曲沃也今之聞喜乃古曲沃也人知之今之名絳者非絳也今之曲沃乃古絳也人不知之李汝寬聞喜曲沃辨今之聞喜古曲沃也今之曲沃古新田也何以

絳縣志

卷九

沿革門

十

知之案史記晉昭侯封文侯弟成師於曲沃注索隱曰河東之縣名漢武帝改曰聞喜也故曲沃改桐鄉桐鄉改聞喜此不及桐鄉省文耳晉驪姬請使申生居曲沃聿昭解曰曲沃晉宗邑今河東聞喜是也春秋魯襄公二十二年晉欒盈入於曲沃林堯叟注曰曲沃在河東聞喜縣前漢地理志河東郡縣二十四有聞喜注曰故曲沃後漢郡國志曰聞喜邑本曲沃晉地理志曰聞喜故曲沃文選潘岳笙賦河汾之寶有曲沃之縣匏焉注引漢書曰河東聞喜縣古曲沃也綱目集覽曰聞喜本絳州曲沃縣漢武帝改聞喜此非聞喜古曲沃之證乎魯成公六年晉遷於新田曰有汾澮以流其惡至後魏始置曲沃縣汾澮二水見在境內曲沃志亦曰即春秋晉新田地此非今曲沃古新田之證乎曲沃邑大於翼晉君都邑也是時晉自曲沃遷都於翼而以其故都曲沃封成師其後成師之孫滅晉仍都曲沃至於獻公始都絳即今絳州也至景公復自絳遷於新田復命新田為絳而以故都之絳為故絳山西通志於曲沃絳縣皆曰春秋晉都新田地誠是也至漢以絳為絳縣未有曲沃也至後魏始置曲沃縣即析絳縣地而置之也新通志漢及魏晉之絳縣兼今曲沃翼城二縣之地春秋晉之四都皆在其境唐及翼在翼城絳新田在曲沃故杜注統名為平陽絳邑縣也據前漢志稱絳武公

自曲沃徙此引應仲遠語道元特辨為指故絳杜注故絳乃指新田據當時絳邑縣而言也再證以水經注所稱之絳縣故城則在澮絳合流之西汾南澮北之地為今之侯馬無疑當是晉之新田為秦縣漢初以封周勃為絳侯國者實景公所徙之新絳也至道元所注之絳陽與經不同蓋漢初因新絳為縣至後漢改名絳邑魏晉以來不改前漢又別為絳陽故同時封華母害為侯國即元和志曲沃南二里之絳邑故城實晉穆侯初徙及武公自曲沃再徙之故絳也是故絳在今治新絳即新田在侯馬皆今曲沃境並不在翼也若翼城南之北絳村則後魏之北絳縣治也絳縣之車廂城則後魏之南絳治也與晉都無與至唐翼二都之在翼且分為兩地者元和志明云唐城在縣西二十里翼城在縣東南十五里相距三十五里杜氏又云翼城在縣東八十里與今縣治正合是唐自唐翼自翼不名絳也至遷徙之世史記言叔虞封唐在河汾之東方百里未明其地據注言則在汾西矣當以元和志為合惟都翼則無正文昭侯元年下稱翼晉君都邑也故正義言昭侯以下都翼也後云武公始都晉國又云獻公九年城聚都之命曰絳始都絳是雖合聚與絳為一而翼絳自為二也詩譜言穆侯居於絳云餘不復及故正義引漢志武公徙絳又括之曰穆侯以下居絳昭侯以下恆居翼

武公既并晉國又居絳也前後敘次甚明獨水經引詩譜穆侯徙於絳下又云暨孫孝侯改絳爲翼後獻公又北廣其城方二里命之曰絳元和志同今攷詩譜無以下數語未知道元自增之與抑原文道元時猶存至唐初作正義時已佚之與若然是絳與翼又爲一不僅絳與聚爲一矣雖元和志亦同恐是仍襲道元語非別有出單文孤證姑備一說可耳其不引史記語則元和志爲長矣至太平縣南二十五里絳州北二十五里之古晉城乃漢臨汾縣治顧氏據通典指爲武公所遷之絳明與漢志不合且絳在汾西經傳無徵未敢遵爲定論絳縣東南爲聞喜境誠是元和志太平記皆謂絳縣全境爲聞喜新通志從之以爲不刊之論是皆不善讀酈注誤之第知涑源之在絳縣而不察澮水經流及入澮諸川絳水之亦在絳縣祇以涑水定聞喜獨不以澮水定絳邑今欲曲徇其說而范壁賀水確在縣境實無可歸雖李氏樂氏之說不敢從況新通志乎且漢之間

絳縣志

卷九

沿革門

七

喜不過河東一縣已兼得今稷山地河東一郡二十四縣縱橫不過千里如絳縣全境皆屬聞喜幅員遂若是其大乎絳邑地廣古有明徵未聞聞喜之亦廣也新志又謂故絳在今曲沃縣治新田在今侯馬顧亭林謂故絳在太平絳州之古晉城閭百詩亦如是說皆不敢據爲定論故絳在汾西斷乎不然然侯馬距曲沃治十餘里恰在汾澮之間似近是矣而故絳距新田不二十里當時何用遷居水土之性又何侯韓厥代謀郇瑕若是其遠新田若是其近恐未必然水經引詩譜謂絳翼聚皆在翼城錢氏姑從之或者其近是乎書闕有間存疑可也茲專攷絳縣故不及

魏晉與兩漢同

晉絳邑縣屬平陽郡地理志注故屬河東魏分立晉末廢

後魏太和十二年復置絳縣十八年始析南境澮南地置南絳

縣治車廂城在今治十里太陰山下屬正平郡隸唐州

按魏置絳縣在翼城地即北絳也後析南境置南絳縣可知

今絳縣為翼城漢絳邑之南境無疑矣新通志亦引此語亦知

翼城為漢絳縣地而顧謂今絳非漢絳何弗思之甚矣

建義初置南絳郡治澮交川今縣東大交鎮南有故郡城以南絳及新置小

鄉縣隸焉改唐州為晉州

西魏大統五年僑置建州於此恭帝去南字直為絳郡絳縣是

絳縣志 卷九 沿革門 三

為絳縣定名之始

按北魏建置最繁遷徙無定僑置州郡尤名實交錯一絳縣

也而忽郡忽縣忽併忽省又有南北之分致與古之新故絳

相溷苟非就山川以準地望未有不治絲而棼者齊天保七

年詔文有云百室之邑便立州名三戶之民虛張郡目循名

督實事歸烏有正謂此也

後周於郡置晉州又併絳縣入小鄉建德五年州廢

隋仍為絳郡絳縣開皇初郡廢縣隸絳州是為絳縣屬絳州之

始大業三年改絳郡仍屬焉

按隋書地理志絳郡注後魏置東雍州後周改曰絳州統縣

八此絳郡即今之絳州舊為臨汾置正平郡開皇初郡廢大業初始置絳郡開皇十八年改曰汾東大業初省入焉非魏之南北絳郡也

唐^望武德元年自車廂城徙今治改隸滄州四年州廢仍隸絳州

新唐書地理志云義甯元年以翼城絳置翼城郡並置小鄉

縣武德二年曰滄州三年曰北滄州四年州廢縣仍屬絳州

元和郡縣志^上武德元年屬滄州二年改屬絳州

宋^中絳縣屬絳州^雄郡防禦隸河東路

太平寰宇記絳縣^{東南八十里舊}本漢聞喜地^{其實兼漢絳縣地說見前}

絳縣志 卷九 沿革門 三

自漢迄晉同後魏孝文帝置南絳縣其地屬焉因縣北絳山為名屬正平郡孝莊帝改屬南絳郡縣理車廂城今縣南十里車廂城是也恭帝去南字直為絳縣開皇三年廢郡改屬絳州武德元年自車廂城移於滄州四年廢滄州屬絳州建置與各地志同

金^下屬絳州隸河東路

元^下屬絳州隸河東山西道肅政廉訪使

按元史地理志註至元二年省垣曲縣入焉十六年復立垣曲縣絳縣如故

明絳縣屬平陽府絳州

國朝屬平陽府雍正七年升絳州爲直隸州絳縣屬焉定爲簡缺編戶舊五十二里今二十六里

按絳縣罷於晉末元魏復置兼置郡郡復有二太和十二年初復時仍名絳隸正平郡孝昌三年於縣置郡同加北字今之翼城也太和十八年始置南絳縣亦屬正平郡建義元年又置南絳郡治澮交川縣來屬不倚郭今之絳縣也此魏之二絳郡也北絳郡廢於隋開皇三年後改翼城郡南絳郡東魏去南字直爲絳郡北周於郡置晉州旋廢郡不知所屬隋仍爲絳郡開皇三年亦廢此隋初之絳郡南絳所改者也此郡廢後大業三年乃改廢正平郡爲絳郡爲今之絳州與元

絳縣志

卷九

沿革門

古

魏之南北二絳絕不相蒙亦單稱絳此隋之二絳郡也新通志攷其沿革甚詳惟謂絳郡三地均無與於晉之新故二絳及漢之絳縣則誤矣攷絳都命名本以絳山絳水得稱後之攷絳者或引毛詩鄭譜或引史記正義左傳杜注有謂成侯居曲沃曲沃名絳昭侯徙翼翼又名絳獻公城聚聚又名絳景公遷新田新田又名絳晉國前後四都胥名絳則今之聞喜曲沃翼城絳州絳縣太平莫非絳矣又兼漢之絳縣絳邑北魏後之南北絳郡南北絳縣隋唐之絳州於是新絳故絳南絳北絳兼併離合勢如亂絲諸家各剽新解詔如聚訟讀者目眩心茫何所依據今爲一語以決之曰今之翼城古翼

都也今之間喜古曲沃也漢聞喜也今之曲沃古新田也漢之絳縣今之翼城曲沃而兼有今絳縣東北境也絳縣東北爲翼城西境西南爲聞喜東境春秋時半屬翼半屬曲沃漢時半屬絳縣半屬聞喜也何以言之新田在曲沃以汾澮定絳縣東北屬翼絳以澮水絳水定西南屬聞喜以涑水定若故絳或言在翼城或言在絳州太平或言在曲沃無山川可定不敢妄度姑就三者折衷或水經詩譜之言在翼者差近耳

攷故絳者凡三說其謂在絳州太平之古晉城者是故絳在汾西矣斷非謂在曲沃縣治者疑與新田太近惟謂在翼城者差近耳